

欽定剿平三省邪匪方略

欽定剿平三省邪匪方略正編卷五十二

丁巳年

十月初一日

丙申

額勒登保福寧奏言查林之華

覃加耀等由高粱寨向三里城一路奔逃

臣等

當卽分帶巴圖魯侍衛將領等趕剿沿途多有

斬戮賊匪翻山逃遁竄至清灘坪時已四鼓官

兵不能前進詢問道路由白沙坪八字岩一路

抄截賊匪尙藏匿深溝該處路逕叢雜賊從高

店子一路逃竄可直至巴東縣治若從黃木垭

一路而去則可至建始縣治臣額勒登保帶兵

卽由黃木垭一路兜剿臣福寧帶兵由巴東過

紫荊河截剿正在分兵接據施南協副將樊繼

祖知府法克晉等稟報四川奉節縣蝦蟆口九

江河等處有匪徒聚集入利川縣境燒搶又據

利川縣陳春波稟報該縣東三堡地方亦有教

匪欲赴奉節縣黑山槽約會搶奪縣城查利川縣近接施南該處兵勇不敷防剿此間教匪雖相距施南尙二百餘里然亦不可不預爲斷截遂商令總兵慶溥叅將許文謨等隨帶兵勇于餘名於崔家壩取道馳往施南府一帶剿辦倘該處賊匪已盡卽令躡探林之華等賊蹤前來合剿

臣

額勒登保於九月十三日至黃木壩核

處賊匪滾放擗石抵死抗拒我兵用礮對山轟
擊斃賊多人又分令綸布春富森布富蘭格布
舍等帶兵於離黃木垭十餘里之張義坡銅盆
嶺一帶進擊賊匪亡命四竄

臣

額勒登保督兵

晝夜趕殺十六日由紅岩子抄至建始縣之簡
家灣等處已在賊匪之前斷其去路賊匪又向
建始毗連之四川巫山縣地方奔竄

臣

一面留

兵於建始縣之左近要隘二道水洞木溪等處
防禦一面帶同豐紳薩克坦布等由雞公嶺一
路進擊十九日適遇賊匪奔竄銅鼓包我兵奮
力追擊斃賊三百餘人暫於湯家灣駐劄臣福
寧由巴東過河十四日在高店子地方追及賊
匪剿殺一百餘人賊匪於十五日已向廖建槽
一帶竄入巫山縣境內嚴飭將領等盡力追趕

十六十七八等日在抱龍河一帶節經打仗十

九日追至銅鼓包是晚與臣額勒登保會合成

德現在巴東之召堡野桑河地方防範後路此

次生擒賊匪鄭三級等三十五犯並拏獲林之

華之妻林謝氏女么兒訊據鄭三級等僉供林

之華覃加耀疊經官兵剿殺因建始巫山兩縣

地方向俱有習教之人意欲沿途勾結一路亦

有跟同入夥之人並未聽見一定去向又據林
謝氏供係林之華之妻生有二子長林恒德次
林恒聰現隨林之華女麼兒九歲至丈夫如何
造反實不知道當將該犯等分別凌遲正法連
日打仗遊擊馬天奇陣亡護軍叅領格布舍帶
有鎗傷弁兵均有傷亡容另查明咨部

同日景安奏言臣前將察哈爾頭起馬匹放給

索倫官兵五百名先經烏爾圖那遜帶領起程
連日二三四五各起馬匹陸續到襄隨即分給
索倫官兵一千五百名沿途更換乘騎業於二
十三四等日圖桑阿等帶領起程

臣

亦卽與愛

星阿帶領綠營官兵於二十五日起程前往協
同明亮德楞泰剿辦再查直隸山西山東河南
綠營官兵除先遣隨同賽沖阿前往明亮德楞

泰軍營一千名又王文雄帶領一千名前往陝
豫交界由北截剿外留防漢江山西兵五百名
李奉翰帶來河標兵五百名張又奇原帶河南
兵一千餘名共二千餘名足資分防江岸臣復
留湖南河南官兵共一千名分撥襄陽防守尙
有綠營官兵三千餘名臣等帶領前往相機協
剿又此次承辦各員其中分外出力者如臬司

陳文緯自上年春間卽隨臣前來南陽邊境一

帶堵禦並趕辦軍需事事力往不辭勞瘁同知

王如金承辦省城軍需局務踴躍急公周到妥

速此次兵馬過境該員等於南北各路及黃河

渡口往來照料毫無貽誤再臣防守襄郡選派

文武幹員帶領兵勇均能奮勉無懈知府林樹

芳同知噶爾炳阿都司蘇大雄晝夜往來尤爲

出力均奏入

上命軍機大臣傳諭額勒登保福寧曰額勒登保等所奏祇係分路剿賊情形雖將林之華妻女擊獲亦屬無關緊要而賊首仍未擒獲一人又竄至巫山地方殊不滿意但林之華等已不能顧及妻女捨命奔逃是其勢實已窮蹙有何難辦而額勒登保等遷延日久惟恃尾追實爲無能無恥况此股

賊匪前竄巴東此次被追緊急並不就近竄往奉
節利川恩施一帶可見該三縣賊匪經知縣千總
等剿除淨盡林之華等早經得信而額勒登保等
尙派總兵慶溥等帶兵前赴施南徒勞跋涉豈竟
無偵探耳目乃懵然無知若此額勒登保福寧旣
屢經遲悞若再遷延致賊匪復在川省地方勾結
滋擾其罪恐不能復邀寬貸也至慶溥旣赴施南

聞知彼寇賊匪已經剿盡自必轉回更可迎頭堵
截其打仗陣亡之遊擊馬天奇著咨部加等優卹
上諭內閣曰陳文緯林樹芳王如金或辦理軍需或
防堵江岸俱屬奮勉均著加恩賞戴花翎噶爾炳
阿著賞給知府頂戴蘇大雄著賞給遊擊頂戴以
示鼓勵

初四日巳惠齡秦承恩奏言據差弁探報白河

竄入平利之賊經柯藩帶兵追至八角廟多有
殺獲其由石泉逃往磚坪之賊已向東南竄至
苦竹關與柯藩所追之賊相去不遠明亮德楞
泰所追均州賊匪由竹山秦家坪竄入洵陽之
銅錢關神河口一帶勢甚剽疾雖經恒瑞慶成
等帶兵由張家灘取道迎擊惟慮賊情狡獪或
聞官兵迎往竟從神河口翻越山梁向西竄擾

卽與郡城南山甚近適臣惠齡於十七日乘船

趕至隨將原帶兵八百名及臣秦承恩原有留

守兵六百餘名並恒瑞留交西安滿兵五百名

分爲三股臣惠齡帶兵七百名在城南之石廟

河駐紮以禦平利磚坪逃竄之賊臣秦承恩帶

兵五百名在城東之金堂寺地方駐紮以禦明

亮等追剿之賊並兼顧沿江一帶餘兵七百餘

名留於新舊兩城交道員溫承惠候補知府趙
洵帶領督同鄉勇人等晝夜在城防守並派候
補知州龍萬育將聽差船隻盡行押泊北岸旋
據探報賊匪果由神河口翻山西向二十日竄
至安康之四溝壩經守卡鄉勇奮力抵禦擊殺
百餘名賊匪竄至爛泥灣一帶滋擾因聞官兵
將至卽分兩股一向平利南竄一向西來緊逼

郡城遙見臣等紮營在彼公然蜂擁撲犯臣等

齡當令馬隊官兵直前衝擊一面帶領步隊繼

進殺賊二百餘人時臣秦承恩聞報亦從東南

小路抄繞前來並多佈旌旗于山林叢密之間

賊匪望見始且懼奔逃我兵乘勢追趕抄截餘

賊奔過對面大山向平利界上奔逸與南竄之

賊會合臣等因官兵究屬無多仍同原營紮住

探知各股賊匪先後均向白沙河一帶逃遁恒
瑞慶成正從東北一路追剿自可迎頭截擊其
西南一路又有楊藩帶兵在彼並聞明亮德楞
泰等已至洵陽之七里關卽日亦可由東路截
來正可痛加殲剿查富成現從漢江南岸山內
截剿前來辰下已過磚坪一俟該鎮到時臣惠
齡卽行帶領由西北一路兜擊再頃據防守漢

江之閭河口遊擊葉炳銓報稱十八日有賊百餘人在南岸水淺處欲行偷渡該遊擊卽率兵勇隔岸施放鎗礮賊始退回該遊擊渡江追往殺賊四十餘名生擒楊世林等二名審係賊首遣令前來測探水勢以便乘隙偷渡臣秦承恩已飛飭沿江各口岸加意防守

同日宜綿奏言賊匪前由通江一路情急竄逃

本圖北出竹峪關入陝經朱射斗等帶兵截殺
並富爾賽百祥等縱兵合擊匪衆卽折竄巴州
所屬之南背山扼險屯紮我兵正在躡蹤兜剿
詎賊匪卽分從元山場小路翻山焚燒竄處下
連江口爲糧臺重地先經臣派令都司張東林
洪君得帶領官兵會同糧員余廷勲募勇拏卡
扼險堵截十三日賊匪分撲江口附近之孤山

坪龍潭溪兩處營卡張東林余廷勲等率同兵
勇截殺三百餘名賊卽敗逃復由蘭草渡直撲
上木寨卡隘該處義首牟文虎等帶勇迎擊斃
賊數十人匪衆沿河竄至張家壩楊空子蟬翅
埡分屯散聚均與南背山互相聯絡並分遣黨
與四出探聽官兵信息經各路營卡拏獲奸細
楊泳發等二十三名訊據供稱該首逆現要分

衆攻搶巴州看何路兵少卽從何路行走

臣隨

飛飭富爾賽等督兵星夜馳赴巴州並令知州

劉清等帶領熟識路徑之鄉勇從間道繼進十

五日辰刻富爾賽等繞出賊前暫劄大鑼觀劉

清等所帶鄉勇行抵芝頂山當有賊匪三四千

人蜂擁而至直撲營盤各鄉勇等佔住山梁奮

力下壓賊衆往來迎拒維時富爾賽朱射斗百

祥等督率將備分爲三路夾攻賊衆慌亂思竄
我兵奮勇剿殺殲戮七百餘人生擒八十六名
匪衆折竄青杠渡屯紮其南背山賊匪正在下
山接應因見前路賊匪已經敗退仍卽奔上山
梁訊據獲賊魏文舉等供稱現竄青杠渡賊匪
係王三槐徐添德等約計七八千人其南背山
張家壩等處屯紮賊匪係羅其清冉文儔等男

婦大小共約一萬五六千人當將該犯等正法
梟示查南背山青杠渡距巴州城俱止數十里

南面一路通達州渠縣

臣

現飭令富爾賽等卽

於青杠渡附近趕緊進發並飛飭接壤之儀隴

渠縣各地方官率勇防堵

臣

卽率同索費英阿

等移駐南背山附近之白沙場地方星夜布置
與富爾賽等兩面夾擊再奉節南岸金子壩李

子坳等處賊匪竄至利川之南坪汪家營一帶
屯紮先經飭令該地方官添募鄉勇協同堵剿
嗣又派令署守備劉忠魁帶領官兵三百名馳
往會剿茲據署奉節令周景福會同湖北恩施
令候補同知尹英圖稟稱九月初三日該縣等
與劉忠魁在李子坳會合初四日探得賊匪由
南坪汪家營擾至利川縣長堰塘一帶焚掠被

該卡官兵擊退復折向奉節境內滋擾又有九
江河蝦蟆口新起賊匪千餘人接應闌至紫嶺
包地方初五日該員等督率兵勇剿殺三百餘
名匪衆紛紛潰逃該員等追至大金壩又斃賊
四五百人搶獲旗幟鎗刀牛馬無數餘匪奔上
黃連坪該員等率領兵勇卽於對山張家壩暫
紮初六日卯刻探得賊分兩股一往後槽一往

葫蘆坪該員等亦分兩路追剿逼至金銀坳地方兩路賊匪復又會合屯紮觀音洞我兵亦卽於咸池地方駐紮初七日該員等各帶兵勇從左右山梁繞道進攻極力撲剿殲擒甚多餘匪奔避入洞並有覓路遁逃者適施南協守備陳安信巡檢晏廷銓等帶領兵勇由長堰塘一路追剿利川縣巡檢王霖帶領鄉勇由伍家壩一

路截擊同時並至於洞口用火焚燒其潰逃餘
匪截殺殆盡內有賊首湯允禮中鎗身死僧人
海青包平利亦經殺斃俱各割取首級梟示生
擒王廷獻等一百餘名均經正法連日打仗陣
亡官兵三名鄉勇陣亡四十二名奉節南岸賊
匪全數剿滅

同日汪新奏言賊匪由川省巫山竄入楚境分

股滋擾經官兵抄襲幾擒旋由宜昌荆門安陸
襄陽鄖陽一帶遁赴陝省邊界賊氛所經共十
八州縣此內保康房縣竹山竹谿四縣上年被
擾最重難民甫就安居又復猝被焚掠拮据情
形較上年爲甚鍾祥宜城襄陽穀城等四縣上
年被賊俱在襄河北岸此次又將南岸完善之
區復行蹂躪其興山遠安南漳三縣各鄉村落

多被焚掠情形較重荆門巴東歸州東湖當陽
均州鄖縣七屬僅止擾及邊境

臣

於賊匪擾及

各境時卽飛飭地方官於難民中擇其年力强

壯者挑充鄉勇人夫藉資駕馭其餘老弱婦女

概行搭棚收養加意安撫數月以來俱屬安分

寧帖實無流離失所去而從賊之人此時賊氛

已遠正當播種麥田

臣

已飭令各屬勸諭難民

悉歸本處村庄其有避往隣境者亦令所在地
方官咨送回籍並將遠賊處所原設鄉勇酌量
裁撤歸農一面撥發銀米派委妥員分往被擾
各屬協同地方官清查難民丁口及被焚房間
隨即給發三月口糧並予房屋修費俾令趕緊
復業免致有悞春耕仍責成道府藩司層層稽
考臣亦隨時密察親往抽查總期無濫無遺民

沾寶惠再長陽賊匪前由芭葉山竄往施南旋
復折回白魚寨近日又由帽子山竄往巴東縣
往還幾及千里所經之建始恩施長樂長陽歸
州巴東等屬均有蹂躪之處而利川一縣亦曾

被川匪擾及

臣

現飭令一體查辦加意安撫

同日明亮總楞奏言店坪一股竄匪聞官兵
緊躡其後無處屯紮卽行前遁

臣

明亮同興肇

等由西面前進臣德楞泰率侍衛溫春等由東

面前進追至銅錢關地方適賊匪已將鄉勇卡

座衝開其前隊之賊竄越陝境七里營一帶後

隊之賊尙在該處焚掠臣等飭兵並進賊匪立

卽狂奔當令巴圖魯侍衛等飛騎由山後溝內

抄上前面山垭攔截官兵由東西兩面山梁壓

下剿殺將留後賊人二百數十名截住該匪猶

捨命衝突官兵痛加圍剿殲戮無遺將被焚房屋趕緊撲滅其前進之賊由七里關火金河向

洵陽境內疾竄

臣

等當卽率兵追殺該匪於山

溝內曲折肆竄並干東西四山焚燒多至一二

十處意將牽制官兵不能定其所向

臣

等詢明

路徑專向賊人去路追擊其不通大路處所令

一二弁兵分帶鄉勇前往剿捕

臣

等追至董家

營大張溝賊匪復由洵陽邊界西竄將擾及興
安聞惠齡恒瑞慶成等自西鄉紫陽一路兜剿
正期兩面夾擊詎官兵行至四股坪此股賊匪
已經恒瑞慶成等擊退翻山折竄平利臣等一
面派侍衛溫春阿納保達爾精阿等帶兵四百
名繞道抄赴平利縣城防護一面率兵取道高
望廟星夜追剿二十二日該侍衛等馳抵縣城

賊匪又竄至城外四關焚掠該侍衛等會同在城防守之佐領七十六督率兵勇排列鎗礮轟擊擊斃數十人賊匪稍退西刻復又結隊前來大肆焚劫搶近城隊溫春等正在奮擊

臣

等趕

至由後進攻賊始敗竄計斃賊三百餘人餘賊

向西南逃遁時已夜深當在木瓜山停息片時

一面將縣城內外人民招集安撫

臣

亦卽探明

所向漏夜追擊不與以暇查此股賊匪大半籍隸襄樊屢思竄回舊地今臣等一路追剿又有賽冲阿所帶吉林兵丁及景安所帶後起各兵自均州鄖陽一路前來該匪斷不能折回東竄楚境業已肅清獲賊方爲章等十三名俱係從賊打仗放火之賊訊明後當卽正法連日打仗傷亡兵丁另行查明咨部再查興安郡城爲漢

江上下游總滙人民蕃庶江岸綿亘渡口亦多
雖有秦承恩在郡彈壓兵力無多署鎮田有成
亦祇帶兵四百名當此數股賊匪奔竄無定之
時不可不留大員帶兵守禦柯藩係固原提督
與郡是其所轄臣等擬令原帶兵一千五百名
在興郡防護以鎮民心其自紫陽以至興安沿
江口岸俱責成該提臣同署鎮田有成督率兵

勇往來巡查嚴密防堵

明亮德楞泰又奏言

臣

等追剿敗竄賊匪自楚

入陝經過被擾村庄有房屋爲賊焚燬者有蓋
藏一切爲賊搜劫無遺者有男婦人口爲賊擄
脅前去者情形殊堪矜憫此時已經被擾之處
急須安頓撫卹未經被擾之處急須布置堵剿
使賊匪無從劫掠查各州縣在城之民城池足

爲保障至村庄市鎮本屬散處僅恃一二隘口
鄉勇防護或相離較遠猝然遇警不及應援或
山路分歧有一二處設堵未遍賊已闌入年餘
以來百姓往往一聞賊至倉惶躲避糧食衣物
卽爲賊有其躲避稍後者該匪旣刦其物并擄
其人甚至備衛之火藥器械反以濟賊而該匪
每到一處有房屋以供棲止有衣食以濟饑寒

有勾結逼脅之人爲之引道路而供負戴以是
屢經剿殺而夥黨不加少爲今之計欲籌卹難
民而困賊匪莫若飭附近有賊地方州縣于大
市鎮處所勸民修築土堡環以深寬壕溝其餘
散處村落酌量戶口多寡以一堡集居民三四
萬爲率因地之宜就民之便或十餘村聯爲一
堡或數十村聯爲一堡更有山村寫遠不能合

併作堡者卽移入附近堡內所有糧食牛豕什物一併收入被難民人卽於其中安置搭蓋草棚賊近則令各戶壯丁日夜更番守禦賊遠則仍不禁其出入俾得無悞耕作該壯丁各保身家巡防自必奮勇壯丁不足更於難民中擇其驍健者充當鄉勇酌給口糧卽以代賑每堡派文武安員二三人紳士耆老七八人爲之董率

彈壓如此防範未被難之戶得有捍禦已被難
之民得謀食息且收養堡內之人戶口有稽不
特可免流離抑且賑無冒濫又其中有一二小
人曾經入教首鼠兩端者亦皆有所拘束不致
附和勾結設賊匪竄至溝壘森嚴難以衝突矧
各堡以逸待勞併力抵剿賊匪處處受敵而人
民不爲逼擄糧食牲畜不爲搶奪火藥器械不

爲掠取該匪將必饑餓窮蹙料難仍前肆竄加以勁兵雲集併力兜擒定能按股殲除

臣等前

在襄陽該處紳士梁有穀等亦築堡防堵賊匪屢次攻撲不能進擾實有明驗是以現在飭令湖北之鄖陽房縣竹山竹谿陝西之興安白河洵陽平利安康石泉等處一律相地修築並移咨汪新秦承恩選派妥員上緊妥辦此外或有

須籌防修築之處亦囑該撫臣暨地方官隨時酌量情形一體辦理至於川省之川東一帶每多險峻山寨祇須令有賊處所居民移住山寨一如守堡之法共相保護其大村鎮市不便挪移者則令仿照築堡似於禦賊安民之道均有裨益再臣等剿賊至竹山竹谿境內秉公確查除卡首杜正甫等均經蒙

恩賞給頂戴外其在籍原任道庫大使魏廷佐於上年賊匪滋事以來團集鄉勇親率子弟奮勇禦賊胞弟舉人魏一輪因保守縣治殺賊陣亡實爲首先出力之員魏一輪之子監生魏正植爲父復仇充當卡首實力急公又查房縣卡首生員林家福率領鄉勇剿賊首先衝入賊隊將執旗賊匪馬勒揪住諭以大義數罪責罵被賊戕

害其子增生林銓身克承父志至今率衆保護
地方實屬勇往向義又房縣廩生汪有彥自上
年至今捐糧集勇防護房縣西鄉一帶賊匪屢
次撲犯該處卡座不能衝越蹂躪實緣該廩生
督率有方始終不懈臣等沿途採訪無不衆心
稱服伏乞

皇上加恩獎勵

同日恒瑞慶成奏言探聞柯藩剿辦一股竄匪
現向平利西南奔竄惠齡追剿渡江南岸賊匪
已過磚坪係在興安之南相離尙遠明亮德楞
泰所剿自楚竄回後起之賊現入洵陽地方向
閭河口江邊奔竄意圖乘間偷渡臣等帶兵卽
自牛蹄山馳赴閭河口途次探知賊匪已至江
邊因北岸一帶秦承恩派有兵勇堵截未敢偷

渡一聞官兵抄擊卽轉向南竄_臣等卽於家
難扼要紮營先派巴圖魯侍衛江鼎副將丁有
成等各帶馬步弁兵間道馳擊併飛差密探與
郡逆南賊匪折回之路以便迎頭截剿二十一
日該侍衛將備等帶兵趕至洵陽所屬石香爐
地方追及賊之後隊截殺多人生擒三十三名
是夜據差探弁兵回稱竄匪現自洵陽地方折

回西南一路焚掠距興郡僅數十里並接秦承
恩飛札知會速卽截剿此股擾近郡城之賊

臣

等卽督兵仍由牛蹄嶺一路繞出賊前將至狗

脊關見前途烟焰正熾

臣

等帶領馬步隊分爲

兩起互相接應衝冒直前賊衆瞥見官兵分數

股搖旗放鎗前來抵拒兩傍山上尙有無數男

婦老幼吶喊滾石助勢官兵施放連環鎗礮迎

擊繼以刀砍矛戳斃賊數百名賊衆敗退官兵
併力掩殺至馬鞍舖山梁又有後來賊匪接應
賊復折回抵禦山上男婦亦撲下圍裹而來我
兵地處險仄向上仰攻自巳至未勇氣倍常擊
斃執旗賊目五人射中騎馬催陣賊目三人又
殺賊數百名臣等親率弁兵乘勢一擁搶上山
梁賊衆向下敗逃遙見蔣家坪一帶俱係賊營

尚不甚遠

臣

等督令官兵在山梁稍散加以鼓

勵卽乘勝整隊前進賊匪初猶放鎗支持將備
弁兵不避矢石奮勇衝入所向披靡賊衆潰散
紛紛逃往西南深山密箐當卽奪獲賊營九處
騾馬牛驢帳房包裹等物無算統計此次殲賊
一千數百人生擒二百餘名除將附近被災從
賊未久之人交秦承恩審明分別辦理餘俱凌

遲梟示牲畜衣服分賞出力弁兵並查明陣亡

受傷官兵另行報部現在洵陽地方已就肅清

各股竄匪俱在興安迤南深山分股竄逸臣等

乘勝督兵前進相機截剿仍卽隨時酌量緩急

情形與明亮德楞泰惠齡柯藩等不拘何路較

近合力剿辦再臣慶成所帶二等侍衛祥金保

三等侍衛哲克霸州營遊擊達崇阿等三員係

先後因病留於附近州縣調治已逾數月屢經
飭催旋據各地方官稟報該員等早已病愈起
程迄今尙未到營明係自知逗遛多日或藉辭
道路梗塞或潛赴別路營盤希圖規避均未可
定祥金保等俱係年力強壯打仗得力之員臣
已行文各路查催俟來營之日應請先行革去
翎頂仍令在軍前打仗以觀後效果能始終奮

勇再行奏懇

天恩准其開復原缺倘不知奮勉自贖卽行叅奏治罪均奏入

上命軍機大臣傳諭宜綿明亮德楞泰惠齡恒瑞奏承恩曰惠齡奏承恩奏截剿賊匪保護興安郡城所辦尙合機宜現在楚省竹谿及陝省興安兩路三股賊匪俱已竄至平利地方恒瑞慶成正從東

北迫剿可以迎頭截擊柯藩在西南一帶而明亮
德楞泰已至洵陽七里關由東面會剿其西北一
帶地方又有惠齡在彼堵剿惠齡帶兵雖覺稍單
而富成從漢江南岸截剿竄匪已過磚坪即可與
惠齡同由西北前進兜擊四路俱有官兵賊匪又
竄聚一處實屬極好機會現在吉林黑龍江官兵
及察哈爾馬匹自己陸續到齊正當四面合擊

首逆悉數生擒明亮德楞泰務須倍加奮勉
布置惠齡恒瑞秦承恩慶成柯藩富成等均當同
心協力會合兜圍尅期奏績秦承恩前因失察賊
匪偷渡回護屬員獲咎今在興安一帶督率兵勇
堵剿尙屬出力著加恩賞還翎頂以示功罪不相
掩之意又宜綿奏分路截剿竄匪情形所辦亦均
合宜務須乘此勝勢鼓勵將士速擒賊首至明亮

等奏令川陝楚三省州縣相地設堡一摺所見非
是勸民修築土堡收卹難民兼可杜賊竄掠迫脅
閭閻之非不近理而以事勢而論實爲迂緩難行地
方屢被賊匪蹂躪卽欲築堡保護亦屬無及若賊
匪已離之處流離難民方且安撫之不暇豈可復
興此役致勞民力且滋驚擾卽如湖北襄鄖等處
現據汪新奏被難民人紛紛復業搭棚收養給予

口糧是難民肯免流離正當招徠安集俾得各安
生業設又令興築土堡團守則民人旣被賊擾於
前又苦官迫於後欲息民而轉以勞民有是理乎
總之明亮等能將賊首擒獲肅清餘黨不但民心
鎮定可以復業如常卽心懷反側之徒亦不敢妄
行滋事又何庸設堡守護否則賊過地方如均州
洵陽白河等處均有城垣尙不能禁賊滋擾豈設

立土堡卽能捍衛抵禦耶明亮等卽欲辦理亦早
應籌及直至此時具奏已失之遲緩況此等事宜
本係地方官之責或秦承恩汪新等尙可籌辦及
此明亮德楞泰係統兵大員惟當以殺賊擒渠爲
事今乃舍其急而圖其緩於軍務未免分心且當
剿捕喫緊之時轉防賊匪竄回豈欲爲異日藉口
之地耶明亮德楞泰著傳旨嚴行申飭

上諭內閣曰恒瑞等奏慶成所帶侍衛祥金保哲克
遊擊達崇阿先後因病留於附近州縣調治已逾
數月尙未到營現在行文查催等語現當用兵之
際惟在紀律嚴明俾將士等知所凜遵人思致果
始能迅速奏功近來各路軍營俱因紀律不嚴以
致帶兵之員不能奮勇殺賊遷延日久祥金保等
先因患病留於地方調治一經痊愈卽應迅赴軍

營乃復逗遛多日飭催未到明係藉詞耽延不可
不嚴行懲治此時軍營帶兵之巴圖魯侍衛營員
等甚多亦無需此數人在彼効力著秦承恩汪新
飭查祥全保哲克達崇阿行至何處卽傳旨革職
拏問派委妥員解交刑部治罪庶使帶兵各員共
知儆惕以肅軍紀而飭戎行

上又諭內閣曰明亮等奏原任道庫大使魏廷佐

或團集鄉勇親率子弟奮勇禦賊或充當卡首或捐糧集勇防護地方均屬奮勇出力魏廷佐著加恩以縣丞府經歷陞用監生魏正植著賞給八品職銜生員林牲身著以縣丞府經歷選用廩生汪有彥著以教職選用以示鼓勵

初六日 辛丑 額勒登保福寧奏言 臣 等剿賊至銅

鼓包查巫山縣治在大江北岸銅鼓包離江之

南岸尙有五六十里賊匪無船斷難過渡但該處一帶習教人多先經夔州府知府張至幹建始縣知縣趙源生等節次稟稱各該縣交界之大山頂九臺山廟耳壇棉花壩沈溪屯均有匪徒勾結起事有已經拏獲懲治者有未露形跡者林之華覃加耀等尙到彼勾連甚或過江與各路教匪攢集則辦理更覺費手是以_臣等商

同厚集兵力於二十一日三鼓帶領巴圖魯侍衛鎮將等由湯家灣抄出銅鼓包之前盡力攻擊天甫黎明我兵搶上山梁賊匪放鎗擲石抵死抗拒官兵橫衝直擊斬戮男婦三百餘人賊匪亡命奔竄_臣等連夜追趕賊逃至平壘壩該處人戶稠密二十二日早間見四面火起因將兇獲之賊譚之義張世華訊問據供平壘壩及

附近之廟耳壇均有教匪定係聞林之華等到

來接應臣等隨即整兵分投擊殺一日之久計

殺一千餘人各賊從廟耳壇竄上天鵝池左近

之老境山屯聚臣等於二十三日五鼓發兵由

鐵廠十字坪手爬岩一帶追剿賊又從二道水

黃連溝逃竄二十四日臣額勒登保帶同綸布

春等於陽坡之磴岩一路進兵臣福寧帶同關

騰等於斷山口茅田一路進兵均於午後趕至
雪崖頂賊匪正在頂上搶掠居民我兵奮勇攻
擊殺賊甚多生擒二百餘名認非首逆當卽砍
死內有鄧伯春李智祝明科三犯接仗時均手
執白旗騎馬往來似係賊目訊據供稱林之華
覃加耀本日均在雪崖頂林之華見官兵上頂
卽行先逃我等係總先鋒與覃加耀在後官兵

來至頂上我等搖旗叫喊因被拏獲覃加耀又
不知逃往何處當將該犯等凌遲處死查雪崖
頂係建始所屬道路叢雜距縣治七十八里且
接據施南府知府法克晉稟報利川縣新起匪
徒已經該處兵勇撲滅_臣等前令慶溥帶領兵
勇一千餘名馳往施南該鎮知利川無須兵力
已由施南折回建始當飭該鎮酌留兵勇在縣

治防範外其餘仍令帶領卽探聽賊蹤前來合剿

同日景安奏言臣於新店集途次欽奉

諭旨令同愛星阿速赴施南利川一帶督辦臣當卽

取路前往茲於二十九日接汪新咨會該處賊

匪全行撲滅臣自無庸再行前往現擬仍與愛

星阿帶領直隸等省綠營官兵三千餘名往剿

陽一帶就近確探明亮德楞泰並王文雄等各
路情形何處緊要卽帶兵馳往策應奏入

上命軍機大臣傳諭額勒登保福寧景安曰此次額
勒登保等由銅鼓包一帶截殺賊匪僅殲斃無關
緊要餘匪一千餘名殊不滿意其所稱上緊剿賊
之語仍屬空言無補現在賊首林之華寧加耀天
折回建始地方在雪崖頂一帶屯聚該處與黃栢

山等處相近前經賊匪蹂躪之處各村庄均被焚
燬無從掠食且賊匪探知奉節利川恩施賊匪已
被該處官兵剿盡無可勾結是以仍回建始不過
爲苟延殘喘之計額勒登保等豈尙不能兜剿仍
前尾追耶著卽上緊截剿速擒首逆尙可稍贖前
罪若似此窮蹙竄回之賊復令由建始他逸或未
經被賊地方又致竄往掠食則額勒登保福寧獲

罪更大勉之慎之至賊首林之華等不能復向奉
節恩施一帶勾結全係各該縣尹英圖周景福陳
春波等剿淨該處賊匪之功前已降旨超賞知府
職銜著再傳諭宜綿勒保遇有四川湖廣知府缺
出先儘該三員陞補以示優獎至恩施利川等縣
賊匪業經全行撲滅竹谿賊匪已由洵陽竄至興
安平利地方明亮等業已帶兵追剿此時吉林黑

龍江官兵及直隸山西各兵俱已前赴明亮等軍
營兵威壯盛景安毋庸前往協剿著卽於所帶綠
營官兵三千名內將二千名交與愛星阿帶領前
赴明亮等一路策應湖北襄陽地方現有汪新在
彼防守足資彈壓景安酌帶兵一千名回至楚豫
交界一帶往來防堵景安係本省巡撫呼應更靈
倘平利賊匪或因明亮等四面截剿緊急仍行竄

回愛星阿正可迎頭截殺更爲有益

欽定剿平三省邪匪方略正編卷五十三

丁巳年

十月初八日

癸卯

宜綿奏言查方山坪竄匪自與

王三槐等合夥分屯散處勢較鴟張九月十四

五等日竄至青杠渡一帶巴州左近數十里內

道路梗塞總兵百祥等督兵立進於十八日抵

右垭口該處對面之馮家山地方先有賊匪佔

據我兵分投攻擊相持兩三時之久殲斃二百

餘人適值大雨如注賊匪潛遁次日辰刻霧雨未止百祥等復冒雨進發抵石笋塘其附近之排埡口爲巴州往來要路亦有大夥賊匪屯紮百祥朱射斗富爾賽等帶兵甫到賊匪卽力撲富爾賽營盤衝突七八次旋又直撲朱射斗營盤朱射斗督率將備併力下壓賊匪愈聚愈多該鎮等互相衝擊斃賊三四百人我兵亦間有

傷損暫撤至尖山坪駐劄維時哨探賊匪前隊

已至巴州南面沿河屯聚當經臣飛飭叅將王

清弼等帶領官兵知州劉清知縣呂朝恩等帶

領鄉勇繞道赴援進抵龍城寨地方均被賊匪

攔截十九日賊匪擁衆踴水過河巴州知州常

發祥叅將增順等卽於沿河集衆堵禦鎗礮並

發斃賊無數賊匪並不退避常發祥等因賊勢

洵湧退保州治但巴州並無城垣僅有土牆一道該州又於牆外添紮木柵督率鄉勇守禦一晝夜土牆被賊礮打缺十餘處雖立時補築而賊匪鎗礮緊急鄉勇傷亡漸多男婦老幼數千惶急欲潰常發祥查看州治後山有平梁城地方較爲險要如賊匪一經繞上平梁城則州治民人恐全遭戕害卽商令增順率兵開柵迎敵

以制賊勢該州帶領居民搶上平梁城山頂倚
險暫守增雇兵力無多奮勇衝出因被賊匪四
面圍裹不能復回卽屯紮南龕地方州治房舍
遂爲賊匪蹂躪百祥等因聞巴州被圍鎗礮絡
繹乘夜鼓勵兵勇翻山覓路衝至河岸詎賊匪
前隊直撲巴州而沿河一帶均有接應復紛來
迎拒格鬪竟日又有賊匪從兩旁山徑抄出我

兵往來衝擊遊擊王相龍韓以明鄉勇首領貢
生張騰耀等均以奮勇殺賊陣亡該鎮等將兵
撤至排埡口對面山梁暫住另圖進剿至臣所

駐白沙場一路本係防南背山賊匪西竄達州

十九二十二十一等日賊匪亦於觀音寺茶店

子雪花坪等處四出焚燒經臣分派將備設法

堵截賊匪仍於南背山併力抗拒臣查賊匪既

已擾及巴州距保寧府不過數百里路徑分岐連日拏獲活賊嚴切訊問據供各首逆等要從儀隴南部奔竄分路前往保寧達州並據探報另有竄過巴州一股賊匪已由恩陽河前至花冲埡距保寧二百餘里等語竊念保寧北至廣元爲川北咽喉西近成綿省會重地其附近之南部儀隴等處本無兵力防範現在達州一面

雖係臣帶兵駐劄而兵力有限戰守均屬不足

是以飛派川北鎮朱射斗卽分兵五百名鄉勇
一千餘名星夜繞赴保寧郡城暫爲防守並札
飭藩司林儒再於省標新兵內酌調一千名由
川北順慶一路前赴保寧以資分派飛咨英善
將續調甘省官兵二千名內分撥一千名交總
兵保興由廣元一路入川遇其北竄又恐保興

相距較遠復將

臣

隨營官兵內分撥五百名先

赴蒼溪以防自保寧至廣元中間糧餉要路而

臣

隨營打仗之兵僅止八九百名其百祥等所

帶之兵亦不過三千餘名力量益形單弱

臣現

仍督率該鎮將等儘此兵力鼓勵進攻趕緊克

復巴州並察看賊匪從何路奔突卽行併力剿

捕

宜綿又奏言二十一二等日疊據巫山縣稟報
楚匪於十五日由寮箭槽拐子坪等處突入前
至抱龍河次日復至平南壩距縣城八十餘里
福寧帶領官兵由歸州湖馬營一路馳抵寮箭
槽督兵截擊現抵抱龍河額勒登保亦帶兵由
建始一路抄入巫山分投剿截臣接信後飛飭
松茂道承勲從夔州抽帶兵勇馳赴巫山分投

防堵並將大江船隻撤至下游毋許乘間偷渡
致與大寧後路之鉄瓦寺等處賊匪竄合惟查

巴州之賊勢較鴟張

臣

現駐劄白沙場其保寧

西北兩面不但備禦不能嚴密卽

臣

此次檄調

河州鎮官兵及省城新兵到彼相距較遠亦難

兼顧如

臣

卽移駐保寧一帶則自達州東鄉以

至開縣雲萬綿長幾及千里防剿事宜又無人

統率是以權衡緩急惟有飛囑福寧將剿捕林
之華一路軍務專交額勒登保調派該處尙有
副都統綸布春總兵關騰張廷彥慶溥富森布
等足敷帶兵打仗福寧卽行趕緊前來分路督
兵進剿庶不致顧此失彼再接准明亮德楞泰
知會楚北賊匪疊經官兵追剿遂轉向房縣之
大木場奔逸該處西通竹山竹谿可入陝省白

河縣界折回南面卽巫山大寧境內若由中路
偏東而去卽與太平縣城口毗連囑撥官兵於
交界嚴密堵截

臣

查明亮等一路官兵軍威較

形壯盛該匪等被追情急勢必復至川境滋擾

刻下

臣

所帶之兵實在無可抽撥因思現在竹

峪關地方距賊較遠是以卽將該處防兵七百
名興安鄉勇一千二百名令遊擊劉大魁帶領

馳赴太平交道員李鉉察看城口一帶何處最
關緊要卽往堵截又碩雲保現患痰迷病症已
飭翼長七十五派員送至太平醫治其所帶健
銳營兵卽令七十五管領

同日明亮德楞泰奏言查剿辦賊匪官兵本宜
合併但現在賊匪流竄無定官兵繞近旋卽折
竄若一處布置不嚴卽爲匪徒衝越兜截轉爲

費力陝省平利安康紫陽一帶大山層疊與川
東各郡縣無異賊匪現向山內竄匿官兵跟蹤
搜剿山崖險仄接踵以行若合兵一路進攻不
但途中反爲擁滯倘賊匪西竄陝省一時已無
可調之兵實難堵禦臣等體察情形現在臣等
追擊一股竄匪已與前在白土關柯藩擊退之
賊會合雖人數較增於前但連日以來臣等緊

躡兜擊於小豐堽左落河等處屢有殺獲賊匪
寔已胆落現由八卦廟向西南山徑前竄以

臣

等原帶各兵合之賽冲阿帶到吉林直隸山西
各兵及續後到來索倫等官兵已數剿辦其自
磚坪竄往苦竹關一股匪衆非折四川省大寧
太平卽折回紫陽西鄉恒瑞慶成現在帶兵由
川陝一帶邊界迎前截擊自可得手惠齡秦承

恩將窺伺興郡賊匪擊退後秦承恩仍赴郡城
彈壓惠齡已帶兵由西北托木溝一帶前進正
可與_臣等及恒瑞等合力兜剿但三路跟蹤追

擊前無攔截難保不又肆竄且查漢中一郡東
界西鄉紫陽西與川省保寧廣元等處接壤爲
川陝門戶又聞方山坪剿散竄匪擾及通江近
臨保寧萬一北竄漢中或闖入棧道所關匪細

莫若令惠齡率同富成帶領原帶兵三千餘名
迅速赴漢中寧羗一帶堵剿則不獨巴通之賊
北竄陝省得以迎頭截殺卽臣等與恒瑞等所
剿兩股竄匪或向前肆逸亦可由西面兜剿且
就此時陝楚蜀有賊地方情形而論漢江一帶
爲陝楚豫三省保障今自漢中以至襄樊楚有
李奉翰張文奇陝有柯藩田有成帶兵堵截又

有秦承恩在興郡防守往來策應江防已可放心惟漢中以西多與四川省毗連堵剿未嚴恐賊匪將乘間竄入有惠齡帶兵前往扼要則東與柯藩一路西南與宜綿通巴一路皆可聯絡其通巴東南新開雲萬一帶則有舒亮穆克登阿等所帶官兵相應雲陽之東夔巫一帶則有觀成德齡等官兵相應接續夔巫巴歸一路又有

額勒登保所帶之兵歸州東北則景安現由房
縣竹山一帶前來聲援亦壯外圍周密賊匪不
得乘虛肆竄

臣

等率領勁旅緊跟剿殺處處有

兵攔截可無顧慮肅清一處再行酌量情形將
各路官兵緊逼移前次第圍剿似易得手再賽

冲阿所帶吉林頭一起官兵並直隸山西兵二
千名自襄陽均州竹谿一帶前來於二十七日

已到軍營臣等得此生力勁兵惟有上緊籌剿
均奏入

上命軍機大臣傳諭宜綿勒保明亮額勒登保德楞
泰惠齡福寧曰宜綿奏到賊匪滋擾巴州通江情
形賊勢未免稍張及閱明亮等摺已令惠齡同富
成帶兵三千名迅赴漢中寧羌一帶堵剿不獨巴
通之賊北竄陝省得以迎頭截殺而明亮等所剿

平利竄匪向西奔逸亦可兜剿稍釋廛懷明亮等
運籌布置尙爲妥協川省巴州賊匪旣向廣元保
寧一路奔逸該處與陝境寧羌接壤惠齡富成務
當奮力堵剿不使賊匪竄入棧道若稍有疎虞惟
伊二人是問英善前奏帶兵前赴漢中堵截此時
想可到彼若賊匪有竄近之信惠齡一時未能趕
到英善自當上緊堵截至現在平利賊匪俱向西

南山逕前竄明亮等得有勁旅正可乘其併合之時上緊截剿巴州通江被賊蹂躪該州縣本有應得之罪姑念該二處本無城垣而該州縣又能督率鄉勇奮勉防守尚無退縮情事俱著從寬免其治罪暫予留任令其帶罪立功至王三槐徐添德卽係宜綿前此在東鄉圍住復令竄逸之賊冉文儔羅其清卽係百祥朱射斗在方山坪圍剿未能

擒獲致令他竄以致四首逆會合一處宜綿等本
有應得之罪但現在失守之州縣等俱已暫免治
罪該督等正當剿捕吃緊之際功過尙在未定宜
綿等惟當倍加奮勉速將首逆全擒尙可將功抵
罪朱射斗現赴保寧防守該處卽係該鎮所轄呼
應較靈該鎮本有應得之罪今已從寬令其自贖
若再不知奮勉致令賊匪擾及保寧則不能幸邀

寬宥矣至保寧郡城地方文武現係何人在彼作
何防堵又達州城垣亦恐賊匪闖入宜綿會派何
人在彼駐劄並著查明覆奏至福寧前在黃栢山
一帶剿捕並無寸長足錄卽令帶兵赴川恐亦未
能得力况額勒登保福寧二人剿辦林之華等日
久未竣若再令福寧前往川省則該處兵力更少
著福寧與額勒登保酌量情形若能卽將折回建

始之賊首擒獲殲淨餘匪則二人可同移師赴川
最爲妥善否則舒亮穆克登阿現在白岩山剿賊
卽係開萬雲陽地方舒亮等速將首逆林亮功擒
獲儘可就近前往剿捕以便額勒登保福寧專辦
建始之賊或可不顧此失彼也又宜綿奏稱巴東
竄匪闖入巫山地方昨據額勒登保等奏該處賊
匪已折回建始想宜綿尙未得信遊擊王相龍韓

以明著咨部加等議卹其陣亡之貢生張騰耀等
及守禦巴州之傷亡鄉勇等均著宜綿查明咨部
優加卹賞

十二日丁未英善奏言臣馳抵漢中探聞川匪王

三槐等在通江巴州一帶滋擾查漢中府屬之
南鄭西鄉二縣與通巴連界隘口共拾四處內
有南鄭之毛苟洞小壩千旗山西鄉之界嶺秋

波梁九元子白陽關井泉子數處尤關緊要當
派隨帶來陝之甘州守王榮榮候補直隸州牧
應先烈遊擊德祿等分赴各卡點驗兵勇防守
均尙嚴密漢中府城亦募有鄉勇二千餘名足
資防衛旋接宜綿來信賊匪徐添德等欲由保
寧一路奔竄朱射斗等所帶兵勇單弱迤西各
屬無兵攔截

臣

查迤西廣元寧羌係川陝大路

運送兵餉文報最關緊要是以臣卽將原帶兵

二千名與鎮臣保興先後分起帶領由寧羌廣

元前進探聽賊蹤迎頭截剿再漢中郡城已

派鳳邠道王文湧督率兵勇防守其石泉紫陽

一帶漢江北岸臣飭委漢興道文需帶領兵勇

嚴密堵禦以防賊人偷渡奏入

上命軍機大臣傳諭宜綿惠齡英善曰英善奏將原

帶兵二千名與保興分起帶領由寧羌一路前進
探蹤截剿所辦尙好前因巴州賊匪欲向廣元保
寧一路奔逸與陝境寧羌接壤當經降旨令英善
速往堵剿今英善保興已帶兵前往而惠齡富成
又接續趕赴宜綿駐劄白河場一帶務當探明賊
蹤如已向廣元寧羌奔逸卽與英善惠齡等兩面
夾擊倘賊匪竟向保寧奔竄該處前經宜綿派令

朱射斗帶領兵勇一千五百名又續調省城兵一千名馳赴堵剿而百祥富爾賽又在排堽口一路進剿惟在各路上緊追截不可令賊匪竄入以致未經被賊地方復被蹂躪

十四日臣景安奏言臣於花果園途次接秦承

恩咨各股賊匪已自平利竄至安康距興安府城九十里距江岸三十里非直撲興郡卽欲淌

渡漢江可由洵陽鎮安而至豫省此時鎮洵一

帶並無防兵業經咨明王文雄由商雒就近帶

兵移駐

臣

查自鄖陽由北抄赴鎮安計程七百

餘里若由竹山竹谿前往明亮等軍營程途相

等以兩路情形較論明亮等一路新添三千勁

旅並新舊官兵八千餘名

臣

與其遙爲明亮等

後路聲援莫若抄赴陝境由北策應王文雄較

爲得勢秦承恩來信係九月二十九日所發其
時賊匪距江岸僅三十里此數日內如何情形
尙未續得確信

臣

現與愛星阿帶領原兵三千

餘名取道鄖陽直趨陝境沿途確探倘賊已渡

江

臣

卽由北面迎截如賊匪尙未渡江

臣

卽趕

往鎮安一帶會同王文雄分投防堵以壯聲威
同日觀成劉君輔奏言查蜈蚣嶺樵風洞緊接

老木園轎頂山兩路俱懸崖陡坎賊人臨高下
瞰官兵舉動悉爲窺見其南北兩面下臨絕險
凡可進攻之處賊人深挖壕溝高砌壘石兵勇
屢次仰攻未能得手十五六等日賊匪於老木
園轎頂山山梁執旗號召時作衝突之勢必有
詭計臣等查東西北三面卡隘嚴密惟山南一
帶雖有野竹溪陰晴山等處卡隘而山溝綿亘

路徑叢雜復抽撥弁兵添募鄉勇於山溝內緊
要路口密設卡座並嚴飭員弁實力梭巡十七
日探有賊匪二三十人在大竹溪山腰豎立木
卡查該處原有賊卡前被我兵焚燬因地勢險
仄難以駐守今該匪等復來扎卡爲扼要死守
之計十八九日連朝霧雪臣等籌商趁其拿卡
未定立派協領蘇勒芳阿遊擊洪新等帶領兵

勇於次日五鼓由穿山溪深溪兩路冒雪進攻
奮勇直上當將守卡賊匪二十餘人殲斃仍將
木卡焚燬生擒五名內有賊目裴金山訊據供
稱係陳崇德徒弟其兄裴友山係陳崇德大徒
弟尙有大小頭目十餘人因官兵四面圍困外
無接應陳崇德在轎頂山裴友山在老木園山
梁婦女都派守卡堵守甚緊復細訊賊巢路徑

據供祇有山南小青杠垭口一路地方偏僻設有數卡把守人不甚多當將該犯凌遲梟示二

十四日

臣

觀成督率文武員弁於五鼓分路進

攻

臣

劉君輔率領將弁兵勇由陰晴山小徑覓

道繞至山南溝內魚貫而進賊匪果設木卡二

座瞭見官兵卽於卡內拋放擗石兵勇毫不退

避直抵小青杠垭口拋擲火彈經守備劉順育

先搶上連次砍開木卡賊人抵死抗拒我兵刀
砍矛刺將守卡賊匪三十餘人殲斃劉順及屯
守備本太均有受傷

臣

劉君輔卽督兵搶上堽

口山梁晒看地勢雖與老木園緊接而中隔深
溝對面一帶山梁陡壁羊腸紮立木城兩道賊
人堆立木石我兵卽或下溝不能遽上隨飭弁
兵卽於該處暫紮趕緊設法攻取奏入

上命軍機大臣傳諭宜綿明亮德楞泰觀成景安曰
景安奏各股賊匪已自平利竄至安康現與愛星
阿帶兵由鄖陽直趨陝境相機迎剿所辦俱好正
當趁此機會將首逆擒獲景安卽未能帶兵渡江
與明亮等夾擊務當將漢江北岸防守嚴密驅賊
折回以便明亮恒瑞等兩路大兵併力圍剿至觀
成等攻剿老木園賊匪爲期已久此次仍不過攻

克賊卡數處實屬無能之極其所稱該處俱係懸崖陡坎仰攻未能得手更不成話試思黔省地方在在險隘山高路窄何以勒保於數月之內卽將苗匪賊首全行擒獲可見全在相機扼要調度有方今觀成等在老木園經年累月該處僅係荒僻空山並無莊稼賊匪何從覓食卽所攜糧石早應食盡何以尙能支持日久其中必有暗爲接濟之

人自係觀成等防範未能嚴密致有偷漏今復覩
顏爲此一奏可謂無恥著傳旨嚴行申飭

十六日

辛亥

秦承恩奏言

臣

節次盤獲奸細或假

稱難民或扮作商販並有身穿號褂冒充官兵
潛赴郡城探信者訊據供稱姚之富李全二股
已由平利向南奔竄王廷詔高均德一股欲由
安康磚坪佐林溝一路直撲興安府城

臣

查佐

林溝在府城西南一百二十里水陸可通現在
郡城防兵無多隨於練就精壯鄉勇內派令職
員柯以德帶領七百名在佐林溝山右埋伏另
派武舉王萬春帶領五百名在碓窩石山梁據
險堵截尙恐不能抵禦適惠齡帶兵由郡城赴
平利會剿當卽密行札會改道由佐林溝一路
相機迎擊九月二十九日賊匪果由磚坪分股

前來一股將近佐林溝柯以德等從竹林內突出欄截殲賊一百餘人賊匪退回歸併乘連日陰雨連綿撲搶碓窩石山梁時鄉勇李秀章藏匿山坎用矛戳斃騎馬執旗賊目一名被賊衆蜂擁圍住李秀章奮身踴上揪住馬上一賊同跌下坡身受鎗矛十餘處抵死不放致被賊馬踐踏身死武舉王萬春因雨勢正大鎗礮難放

隨用油布遮蓋過山鳥引門連環互擊擊斃賊
匪數十人賊猶拚命向前鄉勇竭力抵禦適惠
齡帶領大兵冒雨疾馳馬隊已經趕到截殺多
人賊匪畏懼遂由佐林溝向西翻竄查佐林溝
一路西通紫陽石泉可達江岸之處甚多先經

臣酌撥員弁兵勇在北岸分布嚴防又經明亮

德楞泰派令柯藩由平利帶兵回守江岸

臣復

添派田有成王文湧在漢中水陸要隘嚴密防
範現在惠齡卽由佐林溝緊躡賊蹤取道兜剿
再此股賊匪未至磚坪之前密令教匪楊彬攜
帶白布一包至黃連溪勾誘曾經入教具結改
悔之謝文武囑其糾夥接應謝文武正在分投
糾衆經西安府知府吳沂探信得實卽密帶員
役鄉勇星夜馳赴該犯家中前後圍住殺斃已

經入鞫之犯一百十二人並將謝文武夫婦擒
獲搜出令牌木印靈文邪經五本訊據供認尙
有邱拔秀等五十四人已經糾約亦經吳沂按
名查獲審明辦理並傳集該處良民曉諭安撫
民情甚爲寧貼至明亮德楞泰恒瑞慶成所追
姚之富李全二股賊匪已至平利東南二百餘
里之曾家壩洪石河一帶漸近竹谿沿途截殺

甚多現在吉林黑龍江勁兵將次趕到定可尅
日掃除

同日額勒登保福寧奏言林之華覃加耀二犯
尚在逃竄_臣等督令將領等晝夜追趕二十六

日早間由雪崖頂追至烏龍澗沿山斬賊一百
餘名生擒三名訊據供稱林之華等昨在雪崖
頂逃出後知建始縣治向無城垣欲由紅巖子

一路直犯建始縣等語當將各犯正法查建始縣治原有慶溥在彼防範遂一面飭知帶兵由

三里壩萬坪一路前來紅巖子迎擊

臣

等並卽

跟蹤追剿賊匪被追情急復由紅巖子之左高

店子落水碕等處一路折竄巴東

臣

等復卽分

兵抄截賊匪又折向崔家壩一路逕趨施南府

計離城尙遠且岷城附近已飭施南協副將樊

繼祖知府法克晉等率領兵勇加緊堵禦然府城外之村莊人戶自必稠密不可不防其蹂躪

臣等督兵於沙子壩一路趕緊截剿賊匪翻山

於爛泥渡躡水過河上至圍子嶺臣等於二十

八日傍晚追至河邊二十九日追至嶺上隘口

賊匪於嶺巔滾放擗石放鎗抗拒綸布春富森

布豐紳薩克坦布楊遇春帶兵奮力搶上斃賊

二百餘人賊又竄至蓼葉村白楊坪龍馬涼風
埡官兵冒雨趕擊初一日賊匪分竄落壩是日

臣等督同巴圖魯侍衛將領等四面圍擊殲殺

男婦三百餘人生擒二十五名均卽正法餘匪
逃遁初二日復督兵進剿賊又竄上馬折野雞
水石梯子各山此一帶係恩施縣所屬山高箐
密路徑叢雜可通施南府之利川縣又可折回

建始縣並通四川之奉節縣勢不得不分兵堵
剿而利川奉節兩縣時有匪徒出沒尤不可不
杜其勾結臣等商令慶溥張廷彥帶兵從石耳

關間王坡蒿壩板橋等處攻擊防其折回建始

地界關騰帶兵於黃土坡金絨坡一帶赴利川

之要路堵截

臣

等帶領巴圖魯侍衛將領等卽

於馬折野雞水石梯子各山進剿必當設法擒

獲二逆均奏入

上命軍機大臣傳諭宜綿額勒登保福寧惠齡秦承恩曰此次王廷詔高均德一股賊匪由安康磚坪佐林溝一路欲撲興安郡城經秦承恩密札惠齡由佐林溝相機迎擊惠齡帶兵冒雨馳至截殺賊匪多人所辦皆好惠齡著賞給嵌瑪瑙帶頭秦承恩著賞給嵌寶石帶頭並各賞大小荷包現在惠

齡已跟蹤兜剿務當設法將賊首擒獲殲淨餘黨
卽遵前旨馳赴漢中寧羌一路堵剿武舉王萬春
職員柯以德均能奮勇殺賊著秦承恩酌加獎賞
陣亡鄉勇李秀章著咨部照六品銜議卹至賊匪
未至磚坪之前密令縣匪至黃連溪勾誘謝文武
經知府吳沂密帶員役鄉勇一併擒殺可嘉之至
吳沂已降旨補授潼商道矣其楊彬一犯曾否拿

獲並著遇便覆奏至林之華等前次由巴東逃至
巫山又由巫山折回建始額勒登保等往來尾追
未能兜剿今賊匪又折向恩施縣地方並欲竄至
利川奉節等處該處賊匪業經地方官全行剿淨
今又任其竄往致被蹂躪實屬不成事體額勒登
保福寧著再嚴行申飭

十八日

癸丑

惠齡奏言賊匪經官兵在平利小豐

堽截剿分股亂竄臣以西北一路空虛是以同

總兵富成帶兵截剿前來行至托木溝探有分

竄賊匪由西南山內折向佐林溝一帶焚掠當

卽知會秦承恩柯藩督率兵勇於沿江上下晝

夜嚴防一面分遣員弁前往江岸哨探並令富

成及六十七帶領馬隊官兵繞至江岸截剿臣

帶領步隊連夜進發前赴佐林溝詎賊匪探知

官兵迎來卽往小道河逃竄我兵隨後趕上沿途殺斃二百餘人餘賊又向偏仄山徑及陡峻之處覓路分逃官兵攀援直上賊匪四散翻山直趨江岸適富成等由山內迎頭衝擊殺賊無算生擒二十三名維時秦承恩所派兵勇在北岸施放鎗礮柯藩帶兵乘船前來賊隨奔過大山分股亂竄官兵連日趕緊窮追復於鐵爐壩

黃泥壩紙房溝等處殺賊七八十人及一二百人不等生擒三十四名訊據供稱前在平利等處屢被官兵截殺是以四散潰逃分投焚搶既可牽綴官兵並可到處覓食且欲折回興安搶船過江往鎮安等處招聚夥黨現在此股賊匪係兩路會合共有一萬餘人是王姓高姓等爲首實不知其名字等語當將該犯等概行正法

差探賊蹤已至汝洞二河及廟溝目連橋等處

臣

與富成所帶官兵僅三千餘名若分投剿辦

未免稍單自應乘此勝勢奮力兜剿惟現准明

亮等札商以漢中一郡爲川陝門戶囑令臣同

富成帶領原兵迅往堵剿臣等現在正當剿辦

喫緊之時未便移兵且興安亦關緊要查汝洞

二河等處卽係前往紫陽石泉之路卽移兵漢

中亦可由此行走

臣

現在設法抄截如賊欲折

回興安卽可迎擊倘復行南竄更有明亮德勝

泰大兵剿捕或竟竄赴西鄉一帶則恒瑞慶成

等現從川陝邊界前來其漢江一帶亦有利藩

帶兵乘船隨處探擊均可得手並聞英善帶領

甘省官兵已至漢中合之該府原有官兵加以

團練鄉勇似可暫資堵禦

臣

仍馳赴前途察看

情形如必須趕赴漢中防堵卽行馳往庶不致
顧此失彼

同日汪新奏言楚省幅員遼濶與川陝在在連
界現在大兵雲集自西痛擊賊匪勢窮力蹙必
致分由旁路東向狂奔仍行折入楚境此時各

屬分駐防兵及湖南撥來兵一千五百名通盤

算計不敷堵截

臣

查鄖陽宜昌二處鄉勇素稱

驍健且知大義若用以守禦邊境可冀得力惟
七縣之廣綿亘千有餘里非鄉勇二三萬不能
布置周密

臣

現將腹地各防兵一併撤赴接壤

各邊界均勻駐守並飛飭竹谿等七屬各挑健
勇數千名製給號衣器械派令曾經打仗出力
之紳士帶領各擇要隘挈卡駐劄隨同官兵逐
日揀演以壯聲威其紳士中如有奮勇殺賊始

終不懈之人俟大功告竣奏請

加恩以昭激勸並分派大員如竹谿竹山房縣三屬
委襄陽道胡齊會會同副將多爾濟扎普叅將
李正勇遊擊什圖分駐督辦宜昌之歸州及巴
東北岸委荆宜施道崔龍見會同提督文圖遊
擊俞國智佐領喜格分段督防其巴東南岸及
施西之建始利川二縣委候補道府恒慶會同

副將樊繼祖叅將朱廷荃督率嚴堵臣以次親

往查察務使聲勢聯絡處處周密再察哈爾各

起馬匹陸續到襄除豫省扣存馬一千五百匹

外楚省實到馬六千五百匹計索倫兵丁二千

名共分給馬四千匹又應付官員例馬五百六

十三匹寔餘剩馬一千九百三十七匹臣飭委

陞任臬司高杞長沙協副將滿倉逐一點驗應

卽留爲吉林索倫官兵更換之用

臣

現擬挑撥

一千匹緩程解赴卽陽郡城以備就近調用均

奏入

上命軍機大臣傳諭惠齡汪新曰惠齡奏設法截剿

偷渡賊匪情形所辦俱好前因明亮等札商惠齡

令其前赴漢中正慮其顧彼失此茲惠齡並不拘

泥所見甚是現在漢中寧羌一帶有英善保興先

後帶兵到彼足資防剿惠臨務當上緊截擊將首
逆王廷詔高均德一併拏獲不可再令他竄至汪
新奏挑備健勇嚴防邊界所辦甚是此等健勇其
中遊手好閒居多或致被賊勾結今挑募撥防既
可杜其反側之心而地方又足資防禦且撥練之
後技藝嫻熟將來剿辦事竣即可於此內挑補兵
丁實爲一舉兩得汪新著賞給玉搬指大小荷包

以示獎勵